

7-18







Michael Mexelburg.



M. IX. 78.

Om  
da  
Am  
lega



HEPATIS FA-  
BRICAM,*ACTIONEM, EIUSQUE AFFECTUS  
POTIORES,**In Celeberrima Porussorum Vniversi-  
tate, Consensu Amplissimæ Facultatis  
Medicæ,**Publico eruditorum examini subjiciunt,**PRÆSES*

JOHAN LÖSELIUS, D.

*RESPONDENS*JOHANNES MICHAELIS  
Borufs.*In Auditorio Majori d. V. Octob.**REGIOMONTA,*


Prælo Reufneriano M. DC. XL.



IN  
HEPATIS F. A.  
BRICAM.

ACTONEM, EINOHE APPETITUS  
POTORES  
In Celeberrima Porcellorum Vinctum  
tare, Constatu Amphibolus Facultatem  
Medicis.

Publica consuetudine eximium signum.  
P. R. E. S. E. S.  
JOHAN LOSELUS D.  
RESPONDENS  
JOHANNES MICHAELIS  
Borula.

In studio labori de N. 626.  
  
REGIMONTA  
Prælo Reuoluciano M. DC. XL.

Gale  
mo f  
mox  
l. c. a  
fues  
lib. II  
stata  
non  
pore  
mure  
eius  
quid  
cep  
far  
v.



In Nomine Conditoris JESU.  
Ingressus.

**L** Autitiis olim dediti tergeminiis mactabant  
laudibus anserum, suum, ac nulli piscis jeco-  
ra. Gratiore autem palato quò existerent,  
anserum alimenta lacte imbuebant, fatente  
Galeno *lib. III. de alim. facult. c. XXI. p. 58. Class. II.* im-  
mò sues ac anseres caricis saginabant, unde hepar  
*συκωτόν ἢ στυκασμένον* nuncupatum Veteribus, teste Gal.  
*l. c. cap. XII. p. 53.* In hoc nutritatu seu porculatione,  
sues admodum obesæ reddebantur, hinc tradit Varro  
*lib. II. de re rustic. c. IV. p. 73.* in Arcadiâ suam fuisse spe-  
ctatam, quæ ita intumuit, ut præ pinguitudine carnis  
non modo surgere haut potuerit, sed etiam in ejus cor-  
pore forex, exesâ carne, nidum fecerit, ac pepererit  
mures. Nos in præsentia, misso brutorum jecore,  
ejusdemq; esu, humanum duntaxat considerabimus, &  
quidem duobus segmentis.

SEGMENTVM PRIMVM

Hepatis fabricam exhibens.

THEOREMA.

Hepar est pars dissimilaris ac prin-  
ceps inferi ventris, sub dissepto latitans,  
sanguinem amplexu calfactuq; suo cla-



borans, ac universam rempubl. membrorum succis vitalibus irrigans.

§. I. Hepar, aliàs jecur & jecusculum, vocamen suum sortitur ab ἥπαρ δώ, quod irrigare est, quia totum nostri corporis tabernaculum ab ipso hubertim irrigatur. Quippe cum publico fungatur munere viscus illud, nequaquam admittit, ut ullum dispendium interimentumq; crediti sibi à ventriculo chyli fiat, quò minus eum & creditori ventriculo, & membris relliquis defecatiorem cum sænore redhibeat. Duci etiam potest ab ἥπειν ἥπαρ, operari sanguinem, cum sit officina sanguinis. Ab hepate derivatur hepatarius. Sic Plaut. in *Curcul.* 2. 1. v. 24. *Te igitur morbus agit at hepatarius.* Spigelius & Bauhinus ἥπαρ deducunt ἀπὸ τῆς ἥπαιας τῶν ἀλλῶν τὸ σῶμα τοῦ μορίου, ab inopiâ, quod partium egestati succurrat, verum apud Græcos ἥπαια vox spuria est, nec unquam legitur.

§. II. Concurrunt ad fabricam jecoris constituendam caro, membranula, nervuli, venæ & arteriæ. Caro seu maxima hepatis pars sanguinis concrementum est, & Erasistrato πᾶρ γλῶσσα nuncupatur, quasi πᾶρ γλῶσσα circumfusum. Affunditur namq; vasis ad locorum inanitatem inferciendam, & ut sit torale & substericulum vasorum, ac tandem fotu & accubitu suo venarum actionem juvet, atq; αἱμάτων procuret.

§. III. Membranula, quâ investitur hepar, textile est admodum subtile, ac natalitia sua debet venarum membranæ alteri, a peritoneo ortæ. Spigelius ab hepatis ligamenti orsum membranæ deducit. Hanc tunicam Syphilis vel morbus Gallicus aliquando penitus erodit, teste Alex. Benedict. *lib. XIII. c. XXIII.*



§. IV. Sextum nervorum conjugium nervulos duos hepatis defacrat, quorum alter à stomachico, qui cinctu suo lævum ventriculi orificium ambit, alter à costali exoritur ramo. Pullulos illos per tunicam hepatis, quæ cavum succingit, sparsos esse asseritur vulgò, verum notavit Riolanus, nervulos duos insignes venam Portam comitari, & subire substantiam ipsam hepatis. Et Vesal. *lib. V. de hum. corp. fabr. c. VII. p. 343.* tradit, ramulum costalem in jecoris tunicam raris modicisq; furculis dispergi, priore in jecoris quoq; substantiam pertinente.

§. V. Venarum in hepate numerus innumerus est. Censentur autem furculi venæ Portæ triplo esse plures, quàm Cavæ, quæ Hipp. *ἡπαρ* nominatur, *II. epid. sect. IV. p. 1034.* Portæ largius per imam visceris partem, parcius per gibbam sparguntur: contra cavæ radices plures per convexam, pauciores per simam. Accurate a. notandæ sunt inoculationes seu ἀνασυνώσεις, quæ columbatim quasi junguntur, & se invicem exosculantur rami portæ & cavæ. Cui lubentia est discriminatas contemplari portæ ac cavæ radices, carnem circumfusam in aceto acerrimo, & calcis pauxillo elixatam & friabilem redditam, curioso digitorum attritu separet.

§. VI. Lactææ quoq; venæ plusculos in hepatis carnem quaquaversum suos disseminant pullulos. Explantantur autem tubuli illi lactei ab intestinis, ac per mesenterium iter legentes in pancreate colliguntur, ubi capreolorum, aut calamistratorum cincinnorum more implexi, mæandros & anfractus inexplicabiles constituunt. Paulò post à pancreate majusculis ramis ad hepar contendentes, tuguriolum ejus subeunt,



ac tandem tenuitatibus admodum exilibus in hepatis substantiam dispersi obliuescunt. Vectores sunt chyli, quem oscillorum suctu ex intestinis prolectum postea in ipsam hepatis carnem exspuunt, ut succus inde diviniorelaboretur.

§. VII. Arteriis admodum paucis donatum, est extorum caput, quæ à dextro Cæliacæ ramo oriundæ simam ipsius partem perreptant. Inter portarum ac cavæ radículas numerosa sobole feruntur alii furculi tenues, qui coeuntes meatū *χοληδόχοι* efformant, purgamentum pessimi sanguinis ex hepate propè portarum explantationem sorbentem.

Q. hic, *An venarum actio sit διμύωσις?* Dividua est inter Medicos hac super re. Galen. lib. VI. de Hipp. & Plat. decret. c. VIII. p. 532. Class. I. carni hepatis sanguificationem tribuit, ac illos damnat, qui venarum tunicis *διμύωσιν* assignant. Alibi verò lib. IV. de usu part. c. XVII. *φλεβὶν ὑπάρχει δυνάμεις τὴν διμύωσιν ποιητικὴν*. Nos lacteis leviculam præparationem, hepatis parenchymati coctionem, reliquis venis *πελειογονίαν* deberi statuimus.

Q. (2) *An venarum principium sit hepar?* Galeni affectæ hepar esse venarum principium adstruunt. Ast quando inaudiunt, nullam partem alterius esse sobolem, sed omnes simul formari, extemplò reponunt, jecur non esse principium *γενέσεως*, sed *διεικνήσεως*. Verum responsum hoc exalat à mente Galeni. Nam Galenus expresse lib. VI. de Hipp. & Plat. decret. c. VIII. p. 532. scribit: *si primæ generationis venarum principium quæris, jecur est.* Et lib. IV. de usu part. c. II. p. 270. Class. I. tradit, *venas primum germen ex hepate ducere.* Immo neq; *διεικνήσεως* principium est hepar, cum dispensatio non venas, sed alibilem respiciat massam. Hoc Galen. lib. VI. de Hipp.



Plac. decret. c. VIII. sequentibus innuit: si principium dispensationis materia, quâ totum corpus nutritur, species, non inveneris commodius viscus jecinore. Restat itaq; ut sit. *ἡ ζωὴ πᾶσι* fons, non quidem lactearum, sed reliquarum sanguinem *vehementium*.

§. IIX. Principem esse partem viscus nostrum, superius proditum est. Hostes *πλοκαίταις* è principali familiâ illud excindere satagunt, quia exenterantur quandoq; cadavera, hepate carentia. Sic Antvverpiæ Matthias Ortelius hydrope extinctus, & apertus jecore ac liene destituebatur. Respondemus, naturam, contra semper analogo hostire, ac refarcire defectum: ita Ortelius carnulenta habuit intestina, quæ hepatis defungebantur munere, ac fulcimenta erant venæ cavæ. Vide *append. Bauhin. in tract. de partu. Cesar. Rousseri. p. 384.* Hoc modo exaudiendus est Arist. quando scribit: Jecore carens toto nullum notatum est animal, *lib. IV. de gener. animal. c. IV. p. 135.*

§. IX. Septo transverso iecur ita subest, ne ipsi tanquam flabello præcordia ventilanti obsit. Occupat autem consveto naturæ ordine dextrum latus, & à dissepito digitum transversum abjungitur. *ὑπὲρ τὸ διάζωμα ἐν τοῖς δεξιotoῖς καὶ τὸ ἥπαρ*, docet Arist. *lib. I. de histor. animal. c. XVII. p. 845.* Supra diaphragma situm est hepar. Circa hunc locum Bartholinus *lib. I. institut. Anat. c. XIV. p. 67.* autumat, voculam *ὑπὲρ* non significare super vel supra, sed trans vel ultra, cum Accusativo jungatur. Ast sciat Bartholin. *ὑπὲρ* Accusativo maritarum apud probatos Auctores etiam significare super vel supra. Ita Homer. *Odyss. l. p. 260.*

*παντοίοις ἀνέμοισιν ὑπὲρ μέγα λαίτμα θαλάσσης  
ἵκαδε ἱέμενοι.*

Deinde



Deinde distinctione voculae ὑπερ nil respondet Barthol. ad textum Arist. nam hepar non situm est trans vel ultra septum, si ab infero ventre extorum instituat-  
tur scrutinium. Hepar itaq; ultra vel supra diaphragma situm est, à capite si quis exordium ducat Anatomes, quemadmodum Philosophus fecit.

§. X. Connexus jecoris, quo partibus conterminis adstringitur, varius est. Umbilico affirmatur interven-  
tu tubuli umbilicalis, qui intra Herophili διασφάγη, seu jecoris rimam, sese penitiùs abdit. Vena hæc embryoni nutricula est, adultiori ligamentum. Dissep-  
to seu phrenibus hepar subligatur firmis duobus vinculis, quorum dextrum latum ac membraneum est, sinistrum teres. Il-  
lud suspensiculum hepatis nuncupatur, oriundum à peritonæo. Adulteris quoq; costis villi quidam mem-  
branei hepar alligant, quos Galenus διαφύσεις nominat, lib. IV. de us. part. c. XVI. p. 280. Class. I. Omento jungi-  
tur lobo quodam exili, qui mollitudine spongiis as-  
simili intra omenti crumenam absconditus, eam aliquan-  
do vitiosè perpluit, & inebriat, unde hydrops, quo de Hipp. VII. aph. LV. ἐκείνοις δὲ τὸ ἥπαρ ὑδατὸς πληθύνει εἰς τὸ ἐπιπλεῖν ῥαγῇ, τέττοισιν ἢ κοιλίῃ ὑδατὸς ἐμπιπλάται, καὶ ἀποθνήσκεισιν. In Lupo ex lobis hepatis (quorum octo notavi  
semel) unus membranâ palmam ferè latâ reni dextro firmiter annectebatur.

§. XI. Figuram lunatis cornibus obliquatam, sibi vindicat hepar, quæ foris convexa & gibba est, sub-  
tus concava, & extuberationibus quibusdam aspera-  
ta. Gibbam hepatis faciem natura delævavit, semel ta-  
men in Coleto Anglo repertum est hepar cirris pro-  
minentibus hirsutum, quemadmodum tradit Erasmi. in epist. lib. XV. epist. XIV p. 509. Convexam partem (sa-  
burra



burra tamen prius eductâ) diureticis, simam cathar-  
ticis expediunt Medici.

§. XII. Extuberantiæ illæ circa egressum Por-  
tæ olim πύλαι dicebantur, teste Galen. lib. de dissect. ven.  
& arter. c. l. p. 109. & lib. IV. de us. part. c. II. p. 270. Class. l.  
Hesychius memorat á sacrificulis. πύλας esse vocatas  
τὰς ἐκτροπὰς τῆ ἥπατος καὶ τὰς φλέβας. Πυλαία γὰρ τὴν μέσην  
τῆ ἥπατος εὐρυχωρίαν, seu mediam jecoris amplitudinem,  
olim denotabat victimariis.

Q. hîc, *An jecur humanum sit penulatam, vel in appen-  
dices diremptum?* πέντε λοβοί, inquit Hipp. lib. de  
natur. ofs. p. 274. Et Galen. lib. IV. de us. part. c. VIII. p. 273.  
hepar quibusdam λοβοίς tanquam digitis ventriculum  
ad unguem complecti scribit. Immo antiquitas etiam  
luxuriare voluit circa fibras, certa quædam nomina  
ipsis affingens, quæ facultatibus hepatis rectiori titu-  
lo conferuntur. Quippe primam hepatis penulam  
nuncuparunt ἐρίαν, alteram τράπεζαν, tertiam μάχαιραν,  
quartam ὑνίοχον, de quibus appellationibus consulatur  
Vesalius lib. V. de hum. corp. fab. c. VII. p. 339. Verùm si  
ὑπερκορυφαίους in rigore acceptentur pro frustulis, auda-  
cius prominentibus, ac penulis discriminatis, quales  
notantur in pulmonibus, tum pronunciandum erit,  
naturaliter ἀλοβοί esse humanum hepar: sin verò pro-  
letariè & abusivè sumantur pro exstantiis, & promon-  
toriolis exiguis, tum concedi poterit, viscus nostrum  
suis quodammodo instructum esse pinnis. Dixi natura-  
liter: nam ὡς φύσιν fieri potest, ut jecur in frustula sit  
discissum. Ita Gemm. lib. I. Cosmocr. c. VI. p. 105. scribit,  
hepar ut in suibus & canibus, in plures fibras usq; ad ra-  
dicem fuisse divisum. Aliàs in brutorum evisceratio-  
nibus,



nibus, bove excepto, veri notantur lobi, de quibus antistites nostri exaudiendi.

§. XIII. Magnitudo jecoris pro modulo & proportionem nostri corporis notatu digna est. Homo namq; hepatis ac cerebri mole superat reliqua animalia. In timidis, gurgitibus, ac iis, qui digitorum *συνταλίδας* longiusculas habent, creditur esse grandius hepar. Sicgulosa illa mulier, quæ ne momentum quidem absq; potus & cibi ingestu vivere potuit, hepar mole ineffabili ac impentius rubens habuit, teste Gemm. l. c. p. 104.

§. XIV. Temperies jecoris modestè calida est & humida. Ubi verò justò plus incaluit hepar, prope- riter nimis ad se rapere consuefcit edulia, à ventriculo nondum satis decocta, unde *μόλυνσις* & imperfecta co- cctio, soboles ventriculi debilis & frigidi.

Q. hîc, *An particula jecoris, quæ felli subdita est, sit dulcissima?* Hoc vult Arist. lib. IV. de part. animal. c. II. p. 1173. τὸ ὑπὸ τὴν χολὴν τῇ ἡπατι γλυκύτατον ἐστίν. Arbitror hoc inde esse, quia capsula fellis à parte vicinâ fortius haurit purgamentum sanguinis, quo subtracto dulcior redditur particula subiecta.

Q. (2) *Cur hepar, viscus calidum & humidum, ægrius intabescat seorsim servatum?* Plin. lib. XI. c. XXXVII. p. 317. memoriæ prodit, obsidionum exemplis ductus, jecur maximè verustatis patiens centenis durare annis. Et Riolanus lib. II. anthropogr. c. XXI. p. 203. testatur, Parisiis sub scamis fuisse allervatum ab anno elixatum hepar humanum, quod nec rancorem contraxerat, nec odorem genuinum exuerat. Causam attribuo principio balsamico ac salino, quo incorruptum servatur plusculos annos.

§. XV.



§. XV. Actio jecoris maximè honorata est  
*ειρατοποίησης* seu chymificatio, quam ingenità & dome-  
sticà facultate exercet hepar. Chylum autem lactes ex  
intestinis numerosa sobole sorbent & exhauriunt. eun-  
demq; sine cunctatione ad pancreas flexuoso tramite  
deducunt, ubi in contortà lactium perplexitate, velut  
rudimentum futuri sanguinis, nonnihil demutatur  
chylus, & paulò post in carnulentam hepatis substanti-  
am (multiplici namq; serie ibidem loci in tenues exi-  
lites exhauriuntur lactes) expuitur, ac in verum san-  
guinem mutatur. Confectam alimoniam vectores  
tubuli postea quoquo versum didunt, ac famelicas ea-  
dem instaurant partes.

§. XVI. Insuper focus & illicium amoris ac li-  
bidinum hepar est. Horat. lib. I. od. XXV.

*Cum tibi flagrans amor, & libido,*

*Quæ solet matres fieri ire equorum,*

*Sæviet circa jecur ulcerosum.*

Et lib. IV. od. I. Veneris jugum excutiens ita fatur:

*----- abi,*

*Quò blanda juvenum te revocant preces,*

*Si torrere jecur quæris idoneum.*

Proverb. VII. v. 23. Amens juvenis improbum sequi-  
tur scortum, donec dissecet culter jecur ipsius. Luthe-  
rus vertit, *Biß sie ih'n mit dem Pseil die Leber spaltet.* A-  
moris itaq; ac lasciviæ scatebra æstimatur hepar, quia  
conficit succum, cujus aliquota portio abit in semen,  
unde voluptabilis titillatio, & Venereæ cupidinis irri-  
tamentum. Hepar quoq; velut fons quidam vitæ est  
juxta divum Codicem. Thren. II. v. 11. effunditur in  
terram jecur meum, id est exanimalis & quasi mortuus  
sum, Flac. part. I. Clav. script. col. 408.



§. XVII. Deniq; hepar olim etiam suum habebat usum in extispicinâ, quam Græci ἡπατοσκοπίαν nuncupabant. Antiquitas namq; ex inspectione jecoris salubritatem locorum argutè venata est. Quippe oppida constituere, aut statita habere ubi induxere animum, prisci, immolatis pecoribus, quæ in iis pascebantur, ex jecoris habitu aëris modum conjectabant. Etenim si livescens vitiosumq; in pluribus repertum, insalubritatis erat argumentum, pabuli & aquarum ratione, Cæli Rhodig. lib. II antiq. lect. c. XLVII p. 87. Immo ex attentâ hepatis inspectione multa etiam alia superstitiosè eruebant extispices. Gemina autem capita prius in hepate constituebantur, quorum alterum hosti, alterum sacrificabatur illi, in cujus gratiam victima erat cæsa. Ex his capitibus marcidum, luridum, & quocunq; modo turparum caput, ruinam & adversa omnia minabatur: inflatum verò, turgidulum, ac optumè coloratum victoriam, & successus optabiles promittebat. Ita Lucanus, extra Cæsarem victorem renunciasse contra Pompejum, memoriæ prodidit. Eidem Cæsari interitum portēdebat, ex opinatu haruspicis, deficiēs hepar victimæ, quam paulò ante mortem ipse mactari jusserat. Huberius extispicinâ hanc cui inspicere lubentia est, adeat Peucer. de divin. p. 361. Jam ad affectus hepatis potiores.

## SEGMENTVM ALTERVM

Hepatis affectus proponens.

THEOREMA.

Hepar dyscrasiæ, oppilationes, inflammationes, σκλήρυνσιν, scirrhi, ulcera, & consimilia mala pessimè exercent.



§. I. Formidolosus λευκηπατίας olim dicebatur Zenodoto, ob pallorem, ex jecoris frigidulâ intemperie ortum. Frigidinem autem hepatis præter pallorem arguunt venæ exiles, sumen depile, sitis prope modum nulla, micationes arteriarum segniores, pituitæ huber proventus, saccati humoris (ita Lucretius lotium appellat, cum per totum corpus q. per saccum percoletur) albitudo ac tenuitas, &c.

§ II. Calidum hepar produnt extumidæ amplioresq; venæ, ac hypochondria hirta, alvus indurata, querquerus totum, cum primis manuum volas pedumq; plantas occupans æstus. Oblectamina quoq; & ἡδύσματα ex potu & cibo avidius quærunt calidi hepate, & hircuitallientes reliquis magis lascivunt. ψεύσματα etiam & jonthis quibus variatur nasus (die Zinnigen rothnasen) plerumq; fucum facere, aliisq; imponere verba ahsolent. Siccius hepar habitus corporis strigosus & gracilis; humidius mollior & obesior indicant.

§. I.I. Infarctus hepatis malum frequentissimum est. Impinguntur autem fartilia non modò vatorum tubulis, verum etiam penitus sæpe humor in perviam jecoris affusionem, ejusq; recessus se insinuat, qui nî extemplò educatur, vel discussu auferatur, præfens scirrhi vel etiam calculi existit materies. Innotescit malum, si leviculum pondus, dolore obtuso stipatum, in dextro hypochondrio sentiat æger, vel etiam anhelus fiat in acclivi graduum ascensu. Gibbum hepatis oppilatum septum transversum farctu suo tenet, ac respiratui incommodat; concavum verò saburratum καθ' ἐμπίλειαν ἢ κοινῶν ventriculum turbat, appe-



titum prosternit, & alvi proluviem multâ humiditate disuit.

§. IV. Oppilatio illa plurium ægritudinum mater est, icteri, hydropis, & consimilium. Jcterus bilis circumludio est, quâ inquinamentum istud per pullulos venæ cavæ in universum diditur corpus, cutemq; flavedine maculat. Luteus iste color in hirquo majori corneam oculi initio collutulat, & postea ulterius progreditur. Feces, quas conquiniscens cum nisu exturbat, albicant, lotium verò crassescit, & ex flavo & rubro in pullum tendit colorem.

§. V. Ab hoc ictero discriminatur ille, qui febrium acutarum vel spuria, vel legitima proles est. Legitima criticè generatur, ubi præfente pepasmo, bilis in ambitum corporis profertur, & quidem die critico, absq; ullâ hypochondrii duritie. In hac fellis suffusione excrementa alvina cum humore saccato naturali prorsus colore gaudent. Notha soboles symptomatice excluditur, & quidem absq; signis concoctionis. Circa symptomaticum icterum accuratè notetur locus iste, quem habet Hipp. lib. de vict. rat. in morb. acut. p. 402. *ἐν πυρετῷ χαλῶδα σφόδρως ἐξόμνη μετὰ εἶχε ἰκπερ ἐπιγενομένη, λύνει τὸν πυρετὸν. ἄνευ δὲ εἶχε ἢ ἐπιγένηται, ἔξω τῶν καίρων, ἐλθέτω.* Insuper in omni ictero verus est aph. XLII. *sect. VI. ἐν τοῖσιν ἰκπερῶσι τὸ ἥπαρ σκληρὸν γινώσκει ποιεῖν.* Tandem etiam fervidum hepar, vipera, lepus marinus, & consimilia, malum ictericum generant. Mirabile est, quod scribit Scaliger *exerc. CXCI. n. 3. p. 626.* Pluit à nubibus in Norvvegiâ bestiola quadrupes, magnitudine foricis, pilo vario. Lemner nomen habet. Depascitur omnia virentia. Consumpto pabulo moriens aërem inficit, unde vertigine & regio morbo corripiuntur incolæ.

§. VI.



§. VI. Hydrops tripartitò dividitur in ἀσκίτην, πριτανίτην, & σπυγίτην, Ascites prominulus ventris tumor est, ab undâ ferosâ, capacitatem abdominis perpluente ac distendente, ortus. In Bello Armato purus sanguis è venis mesaraicis exciderat, eò loci, ubi aquosus humor in asciticis colligi solet, Remb. Dodon. *prax. med. p. 581.* Malum ubi vires acquirit eundo, respiratus accedit sufflamen, scrotum artusq; subditi impenditò intumescunt. Immò in extremo præputio semel in quodam hydropico grandem notavi vesicam, limpidâ plenam, quæ glandem oculatam ita occæcabat, ut lotium mictu difficulter profundi potuerit. Prodigio gutture pocula expetunt ægri, hinc eleganter Horat. *lib. II. od. 2.*

*Crescit indulgens sibi dirus hydrops,  
Nec sitim pellit, nisi causa morbi  
Fugeris venis, & aquosus albo  
Corporis languor.*

§. VII. Haut rarentur ὀδονδες jecur occupant, quæ laceræ ac disruptæ ichorem in abdomen evo-  
munt. Frequentissima autem hydropis causa est ob-  
structio vasorum ad lienem & hepar tendentium. Nam  
ubi materia serosa in portarum furculis per mesenterii-  
um & omentum sparsis copiosius congeritur, nec ad in-  
testina properat, fluorem paritura, facile è suis vasis  
in abdomen excidere, ac flumen hydropicum consti-  
tuere potest. Tollitur autem facilius malum in servis,  
quàm in liberis, quia cum desideret famem, sitim, mille  
alia tædia, longamq; patientiam, promptius his succur-  
ritur, qui facile coguntur, quàm quibus inutilis libertas  
est. Cels. *lib. III. c. XXI. p. 340.*



§. IIX. Tympanites, qui Hipp. *IV. aph. XI.*  
*αἰσθησις* ξυφας, maximam partem exoritur à flatibus, in  
abdominis ergastulo, & intestinis quandoq; hospitan-  
tibus. *τρυφασειμυδοι* sunt & borborigmis intestantur di-  
scrutiati malo. Periculosior est ascite, utpote qui  
promptius obedit remediis, quàm tympanites, *Aët.*  
*tetrabib. III. serm. II. c. XX. p. 579.* Cathartica in hoc af-  
fectu disuadet *Ægineta lib. III. c. XLVIII. p. 164.*  
commendans discutientia flatus, & cucurbitas leves,  
abdomini imponendas. Huic subscribit *Dodon. l. c.*  
*p. 590.* & insuper enemata nil quicquam proficere ad-  
struit. Verùm quia tympanites à flatuum & humo-  
ris miscellâ originem ducit, imò ipsa intestinorum te-  
la, quæ à fimbriato pyloro longâ serie detexitur, quan-  
doq; distenditur materiæ copîa, inutilis esse haut po-  
test enematum & purgantium usus.

§. IX. Sarcites, aliàs anasarca vel hypofarca,  
tuber est totius, à frigido & pituitæ humore, per uni-  
versum corpus diffuso, orium. Quippe in leuco-  
phlegmatiâ facies, crura, pedes, brachia, turgidula  
sunt, universumq; corpus cum pallore intumescit, im-  
prefforum digitorum vestigia diutine retinet, ac emor-  
tuum quasi apparet. Lotium albidum ac tenue effun-  
dit æger, insimulq; difficulter respirat, & quandoq;  
lente febrile occipit. Hepar in hoc affectu alius quo-  
dammodo est, ideoq; etiam crudiorē conficit suc-  
cum, qui in totum ablegatus *μεσοφύσει* καὶ *ἐμπίσει* parti-  
bus nutriendis assimilari haut potest, unde spurius nu-  
tricatus & congestus vitiosus. In mulierculis menses  
superstagnantes idem malum parturire sæpicule no-  
tantur.



**§. X.** Inflammatio jecoris tumor est à sanguine extravasato genitus, fidos habens focios, febrim, dolorem gravativum, rursim aridam, ac difficilem respiratum. Ejusmodi hepatis incendium semel induxit cucurbitarum appositus, in dextro hypochondrio, ad arcendam narium hæmorrhagiam institutus. Decubitus, qui ægrum in terga supinat, commodior est laterali. Alvum dejecturus *σπυρραῖδες*, fimo caprino assimilia, exturbat æger, nisi infirmo admodum sit hepate, tum namq; & mollia exonerat. Gibbo hepatis exæstuate, tumor manifestius conspicitur, pressu ac spiratione dolor exacerbatur, partesq; juguli dextri deorsum quasi trahuntur. Concavo inflammato appetitus prostermitur, sitis gravius affligit, vomitus ac nausea urget, nec obtutui nostro notabilis ulla ingeritur protuberatio. Singultus etiam ob nervorum communionem inflammatum hepar comitari assolet, quo de Hipp. *VII. aph. XVII. ἐπὶ φλεγμονῇ τῆς ἡπατος* & *λύξ κακὴν*. In abscessu ubi mutatur inflammatio, res periculo plena est. Hercul. Saxon. Nautæ cuidam in dextro hypochondrio abcessum hepatis aperuit, qui primo die puris albi octo libras, sequentibus verò diebus ultra decem reddidit. Vide *lib. III. pract. med. c. XXIX. p. 288*. Aliquando etiam per alvum egerunt pus, quem admodum Nautæ contigit: rariùs per venas ad subiectos pedes excurrit materia, ibidemq; dolorem excitat.

**§. XI.** Hepatis *ἐμφύσημα* generat flatus crassior, parenchyma hepatis distendens, & involucrum visceris agitans. Notant malum tumor hepatis sine gravitate, ac dolor per intervalla feroculus. Murmur in affectâ parte advertitur nullum. Sæpe interstitiis mu-



sculorum abdominis halitus intergeruntur; peritonæum & affines musculos divellentes, atq; dolorem excitantes, qui dolor perperam hepati aut lieni assignatur.

§. XII. Scirrhus hepatis tumor est indolens ac durus, crassi & visceris humoris soboles. Humor autem vel congestu vel affluxu suo excitat scirrhum, partibus uvidis ac tenuibus in auram missis. In veterata durities in hydropem abire consuevit, ac feralia promittit. Malum juvenile foris ovis fimo, diu in aceto macerato, stercoreat Dominicus Leonus, ac lætamen illud valde prodesse adstruit, *lib. II. art. med. sect. III. c. V. p. 506.* Est & alius hepatis tumor *ἀνεν σκλήρην*, quem aliqui den *Xiebenfuchen* appellitant. Oritur quandoq; à sinistro alterantium usu, quo humores & in-crassantur, & penitiùs hepati impinguntur, maximè in febrientibus, corpore haut evacuato.

§. XIII. Interdum quoq; ulceribus infestatur hepar. Aretæus abscessum hepatis expurgari vidit per ventriculum. Cavâ namq; parte exulceratâ ventriculum eroderat hepar, & in cavitatem ipsius exspue-rat foedam puris materiam. In gibbâ visceris parte vomica feliciter sæpe evacuatur pyrotico appressio, docente Hipp. *VII. aph. XLV.* Alia insuper mala hepar nonnunquam cruciandum adoriuntur, de quibus consulantur Practici.

*καὶ πάντα μὲν*

*δὲ πάντα.*

Deo Conditori Gloria.

Au-



# Auctaria miscella.

## I.

**N**Um in λορδῶσαι vel repanditate Chirurgo licitum sit musculos μεσοπλευρῆς cultello ferire, ac immisso instrumento luxatam repellere vertebram?

## II.

Cur improba Venus dysenteriae remedium? Hipp. lib. VII. de morb. vulgar. text. 134. p. 1240. idipsum annotavit: πορνείη ἀχρωμῶς δυσεντερίας ἀκῶ. Et Amatus Lusitan. centur. II. curat. XLVII. p. 333. narrat, Mulonem veterinarium à dysenteria fuisse liberatum furtivâ Venere.

## III.

Cur βραχίβιοι καὶ ἀσθενεῖς, qui partem umbilico subjectam majorem, quàm superiorem habent, pertinentem ad pectus? Arist. sect. IX. problem. q. LXIII. p. 900.

## IV.

Cur horologia automata, ponderibus librata, initio longiores, postea breviores; contra horologia, quæ moventur per laminam convolutam, primò breviores, postea longiores exhibeant horas?

## V. Cur



Cur tubulus tabaci percussus in unâ extre-  
mitate, in alterâ capitellum amittat?

Cur fundus lebetis vel aheni, ad ignem po-  
siti, & aquâ repleti, frigeat etiam in intensissi-  
mâ flammâ?

VII.


Cur veneno sublatorum, vel morbo Car-  
diaco extinctorum, corda difficulter cremen-  
tur? Ex hoc fundamento Vitellius probabat,  
Germanicum Cæsarem à Pisone fuisse potiona-  
tum, quia Germanici cor comburi non potuit.  
Contra Piso salvabatur, quod Germanicus mor-  
bo cardiaco decesserit.

IX.

An halitus, qui ex inciso dissectoq; cane  
expirat, eviscerantes inficiat, ac spleneticos  
reddat?









863

P.P.



IX. 18



863545 Bibliotheca 26.000,<sup>5</sup>  
P.P. Camaldulensium in Bielany

Depozyt w Bibliotece Jagiellońskiej



06947



